

[www.BibleForChildren.org](http://www.BibleForChildren.org)



St. Jon 14



Mia Jisas 'a o'ani ro'u, "Mou abui ahutotou mai abui ta'aabemoou, ma'ata moi 'u'uria God, mamoi 'u'uriau. Na'i raronai ruma ana Amagu ra ragoi ahii, minau wai 'ari 'anai ha'aagau'i dora taramoou."




"Onaa na ga'i bwa'i o'asi, 'au ga'i bwa'i 'unua o'asi tana'amou. Na'i 'oha na mwane mareho rai agau, 'inau wai boi 'anai wai'amou 'ari neina moi awa tarau beiau na'i dora na 'inau awaiei."



'Inaua Jon 'e ta'i do'oramoou beia Jisas Kraest.  
'Igaau gau rongomaata'i suriai awa gau haa na'i  
bahainai heimarungi ana, ma'ata 'iia 'ai

ha'a-wetewetegaau 'anai  
ura baabau. 'Inau ra




gaasiau na'i gere  
marau Patmos suriai


taroha'inia aguai  
ha'atee ana'ia God  
mana ha'ausuringa'i  
ana'ia Jisas.



Na'i 'ohasi mana Hi'ona Maea 'a rabe beiau. Mau  
re'iai dora heheinagu anai mwaeraha, 'e sae na  
heinagu na'iei.




Mau rongoai 'ado ngarutadi mareho na ha'apwa'ara'i  
a God na'i aro mana'i marewana mana'i dora adaa'i  
nei ra mae'a ma na'i asi rau o'ani,  
"Gau magai ha'atee ha'agorohia  
tarau i Gare'i Siip mea mo'o na  
heinagu na'i dora anai mwaeraha,  
magai ha'aasararua magai  
ha'ahourarua  
'inia 'irarua  
raru mena."




Mau re'iai Jerusalem haoru, i 'omaa maea, 'ia God 'a ha'ataaria dio mai baaniai aro. 'A 'onaai gere urao na ha'aagau 'ana'i ha'iwai na siri suri'i bwana 'ome goro 'ana'i heisadoi beiai mwane ana. Mau rongoai ha'atee na boi baaniai dora heheinagu ana'i mwaeraha.


'A o'ani,  
"Omaa ana  
God 'a awa'a  
beiraau sae ana'i.  
'Ia God 'ai awa  
beiraau miraau ra'i  
sae ana'i. Ha'amomori,  
'ia God haaria 'ai  
awa beiraau."



Mana enjel 'a ha'ata'inia tanaaui wai ni tahi na  
wadora'i 'onaai gilaasi. 'A ahe hura'a baaniai dora  
heheinagu ana God mana Gareii Siip.



Mana 'omaasi 'agu ai'a 'irisia'ai hura mana sina 'anai  
ha'amarewaa. Ni rarahana God mana Gareii Siip raru  
ha'amarewaa'a.



I mareho 'anai haa'i  
'ini'i hereta'aa mana  
sae hehereta'a'i  
miraau sae  
pwapwari'i rau  
bwa'i awa na'i  
'omaasi. 'Iraau moi  
nei ra awa i atadaa'i  
na'i buka ni tahi anai  
Garei Siip narai  
matai awa na'isi.




"Ia God 'ai idu'i'i wai baani'i  
maadaa'i. Raugu bwa'i mae'a  
ro'u ta 'oha ma'ua ahutotou  
ma'ua angi ma'uasi rongomaata'i.  
Mwani maho ta'a'i ra to'iraau  
ga'u, ragu ai'a'i'a."




Ni ha'a-mama'ai ana God 'a bwa'i dio'a i hungadaaui  
sae na'i 'omaasi. 'Ia God mana Gare'i Siip rarui  
heinagu suri'i dorani heimarungi adaru'i, miraau sae  
na'i 'omaasi rai  
ha'arahesia God.  
Marai re'ia haaria  
God mana atana  
'ai awa na'i  
hauraeda.



Mau re'iraui sae ra mae'a, 'iraui sae ororiu miraau  
taraani sae ro'u, ra ura na'i maanai dora heheinagu  
anai mwaeraha. 'Iraui nei nara awa ga'u na'i dora  
adaui nei ra mae, ra awa ro'u 'isi goni beiraui nei ra  
mae na'i asi. Mia God 'a kehasi'i buka ra  
ha'arangasi'i taha ra haa'i sae 'oha ra  
tahi mau, ma kehasia ro'u i  
buka ni tahi. Mia God  
'a hiiriraui sae  
suriai mareho nara  
ha'arangasi'i nara  
awa suri'i buka 'isi.  
'Iatei na ai'a awa i  
atana na'i buka ni tahi,  
rai gaasia na'i bwerai 'eu.



I Hi'ona Maea miraauī sae hinihini nara 'onaai gere  
urao nai wainai Gareī Siip, raru o'ani 'inia Jisas, "'Oi  
boi!" Mia tei na rongoai ha'ateesi 'a ga'i o'ani ro'u,  
"'Oi boi!" Mia tei na raba gono, 'oi boi! 'Onaa 'o  
rabasiai wai ni tahi, 'oi boi ma'oi haua, 'oi haua  
dadara'a moi.



Suria 'ia God 'a ta'ahiraau hakoi  
noni nai marewana, 'a hisu 'iniai ta'i  
garena otohoo, neina 'iraau nei  
narai hinihinia rau bwa'i siri na'i  
mae tarau, ma'ata rai daua  
nadaau tahi tarau.



Rom 3:23

'Iraau hakoi mwane inoni ra ora-ora'a mana barongadaa'i ra ai'a gere gaarangi tari beiai barongana God na hauasa.

Rom 6:23

Iraau hakoi mwane inoni ra ora-ora'a mana barongadaa'i ra ai'a gere gaarangi tari beiai barongana God na hauasa.

Hibru 9:27

'Adonai inoni 'ai mae ha'atai moi, mana'i murinai mae 'e hihiiri.

Efesas 2:8,9

God 'a ruhasi'amou, ai'a do 'ini'i tatau'aro goro amoo'i, mei 'ini hinihinimoou beia mana goro ana na banea tana'amou. Naasi 'a bwa'i nei 'ai ha'ata'ea haaria 'inia.



Rom 10:9,10

'Onaa na 'oi ha'arangasia 'iniai ngoomu do'ia Jisas na Araha ma'oi hinihini do'ia God 'a ha'a-suruta'ea Jisas baaniai mae, 'oi daua namuai tahi tarau. Naasi, naia moi na hinihini na 'oi matai odo-odo 'inia na'i maana God, ma naia na ha'arangasia amua hura'ai taha na'o hinihinia na 'ia God naigui ruhasi'o 'inia.

St. Jon 3:16,17

Suria 'ia God 'a ta'ahiraau hakoi noni nai marewana, 'a hisu 'iniai ta'i garena otohoo, neina 'iraau nei narai hinihinia rau bwa'i siri na'i mae tarau, ma'ata rai daua nadaau tahi tarau. 'Ia God 'a ai'a ha'ataaria mai garena 'anai hiiri ha'a-mama'airaau inoni nai marewana, ma'ata 'anai ha'atahiraau baaniai ha'a-mama'ai.



## 1 Jon 5:11-13

Ma'e taha na 'ia God na 'unua? 'A 'unua do 'a bwane hua tanagaau i tahi tarau. Mana Garena, naasi tara 'anai dau i tahi tarau. Ma naasi, 'iatei na hagu beiai Garena, 'a to'oraa ro'u i tahi tarau. Me 'iatei na ai'a hagu beiai Garena, 'a ai'a daua mau i tahi tarau.' Au usu'i hako i mwani mareho na'i usu-usuni tana'amoui nei na mou hinihiniai garena God, neina moi 'iraraa ha'agorohia do mou to'oraa'a i tahi tarau.



St. Jon 14; 2 Korin 5;  
Buka Ha'ata'i. 4, 21, 22

Storyline by: Edward D. Hughes

Illustrated by: Lazarus  
and Alastair Paterson

Adapted by: Sarah S.

Arosi Bible (aia) © 2005, Wycliffe Bible Translators,  
Inc. All rights reserved.

<https://live.bible.is/bible/AIAWBT/MAT/1>

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

